



Radio Rumantsch

## Per trutgs e pitgognas

Proposta da Joachim Wasescha

### *Viaducts... Pantoflas da Nossadunna....*


La tura maina en Val d'Alvra. L'excursiun cumenza a Solas Davains a la fin da la piazza da golf d'Alvagni. La via suonda la Landwasser e bain spert ins passa sut l'imposant viaduct da medem num. Ins cuntinuescha a la riva dal flum ed ins arriva suenter in'ura tar il punct 1035 nua ch'ins traversa il flum per admirar las tschientineras pantoflas da Nossadunna che creschan sin il plaun dasper l'aua. Ina miracla da la natira. Suenter ins traversa puspè il flum ed ins suonda il trutg che maina a Leibboden e pli tard sut il viaduct da Tain (Wiesnerviadukt) a la staziun da Tain. Uss ins turna puspè cunter Filisur sin la vart dretga da la val. La senda passa sin il viaduct da Tain che trembla sch'in tren duess passar quel mument, la senda è però segirada bain cun saivs. Cun egls averts ins po adina puspè contemplar pantoflas da Nossadunna dasper la senda. Ins passa las gravas da Breitrüfi, Schönboden e Visura ed ins arriva a Filisur. Sut la staziun maina ina bella via veglia puspè enavos a Solas Davains.

**Lunghezza:** 11 km  
**Differenza d'utezza:** amunt ed aval mintgamai ca. 530 m  
**Temp da viandar:** 4 uras


#### **Particularitad:**

- Las pantoflas da Nossadunna che flureschan il davos matg/entschatta zercladur
- Ils dus viaducts da Landwasser (1902, 65m aut) e da Tain (1908, 88m aut) da la Retica

A Solas Davains è in grond plaz per parcar e damanaivel è er ina fermada dal curs da posta Casti - Filisur



Höhe [m]



**Distanz 10.9 km**  
**Gesamtaufstieg 531 m**  
**Maximale Höhe 1249 m**  
**Marschzeit hin 3 h 29 min**

**Überhöhungsfaktor 10.0**  
**Gesamtabstieg 531 m**  
**Minimale Höhe 974 m**  
**Marschzeit zurück 3 h 28 min**